

## padadurina'an za 'aputr

ini na padadurina'an za 'aputr mu, maw na saasaleman za 'aputr. azu a temakakesi mi ziya kana palrivak na takesiyan mu, kana takakesiyan nganguwayan ulra a makiteng a sinasalem za 'aputr, kana wariwari ziya mu ulra na temakakesi marevulavulas temapesi' zi remevay kana tralunan. nu mi 'aputr mu, salaw kana vulay. maw mu nu medek kana katalaulepan na vutrelisan zi nu derun mu, iniyan za trau za menana'u, na 'aputr mu minatray. nu mareveliyas ta mukuwa i kungkuwan mu, ta asalraw temulre'ay semalem izu na sinaleman kana 'aputr.

ini na padurina'an kana 'aputr maw na pakavulavulay kana takesiyan zi maw i ruma'. nintaw nana'uwan za trau. nu temulralre'ay ta mena'u kana padurina'an na 'aputr mu, kamawan ta za paailran kana ve'enin, ta puwayanay peniya ta anger, nu purpatiwla ta mu, na tralunan mu, tu atravay lra na 'aputr. nu maranger ta pakavulay kana tu pini'aputran zi vulay nu mena'u ta, 'azi mawmaw temapesi' remevay kana tralunan. na marum tu sa'az zatu vira' ta hartimaw 'ematelr. nu semasever mu, ta pudarukay kana patremel. nu ta kasazuwaw temapesi' zi nu pasalaw ta iputremel mu, matupa' tu rami zi minatray. maw izu nu mena'u ta kana padurina'an mu, ta pahetremanay zi ta pangetrengetranay ta anger, 'azi ta temaatelak za ta inana'u.

inta mu ta kazalramaw na eman 'aputran mu mi'aputr nu kaseveran, ulra na'aputr mu, mi'aputr nu derun, zi ulra na 'aputr mu, kana wariwari ziya mu mi'aputr, ulra na 'aputr nu mi'aputr mu sawariyan. ulra na 'aputr nu semavalr mu, mi'aputr, nu alusu kadaw mu, ma'ail lra. nu mazalram ta kana 'aputr nu aidan mu semalem ta, nu aidan mu mi'aputr, maruwa ta pakamia'aputr kanan sinaleman na padurina'an na 'aputr.

i padurina'an mu, mazalram ta lra 'azi mawmaw na 'aputr ta inana'uawan. ulra na tu 'aputr mu 'azi vulay, maw mu nantu vira' tu pinivalrayan salaw semenan zi kirkamelri, maw na nana'uwan tu vira'.

inta na pinuyumayan mu, nu patrepa ta kana ta saasaharan, ka'azi mi'aputr kana 'inupiz. maw izu inta na mawan zikan mu, nu midare' za makiteng mu, 'azi malaalup semalem kana vuiyung, na kungiya, na lranghi, na tamulamulang, na 'asap, zi maw na tava, nanni na ta ina'upiz na 'aputr.

na hareman na trau nu pararahan mu, tu piangeraw kemuret zatu saasaleman kana 'aputr. 'azi maya' za marekamelrimeri, maaya' kana mariwariwan mi'aputr. nu vulay ta padurina'an na sinaleman kana 'aputr, nanta ruma' mu, nu mena'u ta mu, kamawan za mikaazu. nu mena'u ta kana 'aputr mu, muvakar ta piniangeran. inta mu nu saasalem ta za 'aputr mu mazalram ta lra kana tu ngadan na 'aputr, na marekamelrimelri na sasalem. nu miwari ta mu, ulra awayan pahuahuwan za ta urauratr, zata ukak.



105 年全國語文競賽原住民族語朗讀【知本卑南語】 高中學生組 編號 2 號  
花園

花園是種花的園子。在我們就讀國民小學的時候，每間課室前面都有小花園，每天都會有值日的同學負責澆花拔草，花兒都開得很漂亮；可是到了寒暑假沒人管理，花兒就都枯死了，開學又得重新整理栽種。

花園是用來美化校園或家園的，是供人觀賞的。要照顧花園就像照顧小孩一樣，要用心，一疏忽就會雜草叢生把花都蓋住了。要花兒開得漂亮好看，除了澆水拔草還要把枯枝敗葉剪掉，定期施肥，水澆太多或施過多的肥料可能會爛根而死掉。照顧花園是要細心和耐心的，不能馬虎的。

我們要知道那些花是在春天什麼時期開，有些只在夏天開。有些花適合在冬天開花，有些是天天開。有些花的花期很長可以開三個月、知道了花栽種的時間和開花期，才能使花園常常花開不斷。花園使我們知道除了花好看，還有一些花不怎麼漂亮；但是葉子顏色鮮艷奇特，是屬於觀葉植物。

我們卑南族人每逢歡慶都要戴花環，所以族人的家只要有空地或園子是不忘種些艾蕪、萬壽菊、排香草、雞冠花、千日紅、梔子花等等編製花環的花材。

現代人房子蓋得很好總會留一個花園用地，精心設計栽種。不求種類多，只要常能有花開。有漂亮的花園可使房子顯得有富貴的氣象。看到花開使人心曠神怡。自己種花就能認識花的名稱、品種。也可以讓我們在閒暇時有一個調劑身心，活動筋骨的地方。

有人說：「從花園的榮枯也能讓人知道這家人家道的盛衰。」所以花園的照顧和管理最好大家都加入，每個人都是園丁，是綠手指。花園才不致於乏人看管。